

**Kreosotum.****Kreosot.**

Liquor coloris expers aut subflavus, limpidus, olei aetherei similis, aqua paullulo gravior, odoris gravis peculiaris.

In aquae partibus octoginta, in spiritus vini rectificatissimi copia quantacunque solvitur.

Cum kali conjunctum in aqua facile solubile, majore aquae copia addita ne turbetur.

**Caute** serva.

**Kreosotum solutum.***Aqua Kreosoti.*

**R.** Kreosoti partes tres, . . . . . 3.

Aquae destillatae partes quadringentas. . . . 400.

Kreosotum agitando in aqua solve.

Nonnisi ad dispensationem paretur.

Sit paullum turbidum.

**Lichen Islandicus.**

*Isländische Flechte. Isländisches Moos.*

*Cetraria Islandica Acharius. Parmeliaceae Link.*

**XXIV. 3. L.**

Thallus erectus, foliaceus, varie laciniatus, fimbriatus, canaliculatus, hinc fuscus, illine pallidior, in basi sanguineus, quum siccus est rigidus, fragilis, quum

humectatus est mollescens, cartilagineo-subcoriaceus, sapore amaro; cum aqua coctus refrigerando gelatinam efficiens.

**Lignum Guajaci.**  
Guajakholz.

*Lignum sanctum. Pockholz. Franzosenholz.*

**Guajacum officinale L. Zygophylleae R. Brown.**  
**X. 1. L.**

Lignum ponderosum, compactum, durum, duramine resinoso, coloris olivacei, albarno levio et pallide subluteo, calefactum odoris benzoini. Rasura venalis frustulis pallidioribus ex albarno vel e lignis heterogeneis ortis, ne nimis sit mixta. In usum pharmaceuticum etiam magis diminuatur.

**Lignum Quassiae.**  
Quassienholz.

*Lignum Quassiae Surinamensis.*

*Surinamisches Quassien- oder Bitterholz.*

**Quassia amara L. Simarubae Richard. X. 1. L.**

Lignum albidum, leve, in fustibus cylindricis unum vel tres pollices crassis, extus striatis, cortice tenui facile ubique separabili vel obtectis, vel jam denudatis, saporis peramari.

Rasuram venalem ne adhibeas, neve ligno **Quassiae Jamaicensi** e **Pierasma excelsa Planchon** oriundo utaris, cujus trunci fere pedem crassi, cortice crasso obtecti in mercatura sunt.

**Lignum Sassafras.**

Sassafrasholz.

*Fenchelholz.***Sassafras officinale** *Nees.* *Laurineae* *Juss.***IX. 1. L.**

Lignum radiceis, leve, molle, stratis concentricis manifestis, coloris pallide subfusci vel subrubelli, in fustibus flexuosis variae magnitudinis, vel decorticatis vel cortice spongioso, friabili, extus rimoso, cinereo, intus rubiginoso obtectis, saporis subdulcis, odoris foeniculacei.

**Linimentum ammoniacatum.***Linimentum ammoniatum. Linimentum volatile.*

**R.** **Olei Olivarum Provincialis** partes quatuor, . . 4.  
**Ammoniaci caustici soluti** partem unam. . . . 1.

In vase vitreo conquassentur donec perfecte coeant.  
 Sit subfluidum, neve, si sepositum est, partes, quibus continetur, inter se separentur.

Cave ne rancidum sit.

**Linimentum saponato-camphoratum.***Balsamum Opodeldoc.*

<b>R.</b> Saponis medicati partes viginti quatuor, . . .	24.
Camphorae partes octo, . . . . .	8.
Spiritus Vini rectificatissimi partes tre-	
centas viginti, . . . . .	320.
Olei Thymi partem unam, . . . . .	1.
Olei Rosmarini partes duas, . . . . .	2.
Ammoniaci caustici soluti partes sedecim. . .	16.

Saponem medicatum et camphoram in spiritu vini in cucurbita calefaciendo solve in balneo vaporis; soluta adhuc fervida per filtrum in vas bene claudendumingere. Tum olea et thymi et rosmarini et ammoniacum causticum adde. Liquor in vase clauso iterum calefactus statim effundatur in vasa vitrea, quae bene clausa in aqua frigida quam citissime refrigerentur.

Sit ex albo subflavum, subdiaphanum, opalescens, ne nimis durum; manus calore facile liquescens.

**Liquor ad Serum Lactis parandum.**

De abomaso vituli lactentis aqua abluto tunica interna deradatur.

Partibus tribus tunicae derasae . . . . .	3.
affunde	
Vini albi partes viginti sex . . . . .	26.
et adde	
Natrii chlorati partem unam. . . . .	1.

Per triduum saepius conquassando macera, tum filtra.

Sit limpidus, coloris subflavi, acidi nonnisi valde exiguam copiam continens.

### **Lycopodium.**

Bärlappsamen. Streupulver.

*Semen vel Sporae vel Antheridia Lycopodii.*

**Lycopodium clavatum L. Lycopodiaceae De Candolle.**  
**XXIV. 2. L.**

Pulvis subtilissimus, mobilissimus, aquam respuens, flammae inspersus celeriter deflagrans, pallide flavus.

Ne commutetur cum polline aureo pinorum aliarumque arborum, quod facilius in glomerulos coit.

### **Macis.**

Muskatblüthe.

*Arillus Myristicae.*

**Myristica fragrans Houttuyn. Myristiceae R. Brown.**  
**XXII. 13. L.**

Arillus seminis lacerus, fragilis, pinguius nitens, coloris aurantiaci, odoris peculiaris aromatici, manducatus urens.